

神枕拾

異中遺

經書記



拾

遺

記

王
嘉
撰

中
華
書
局

叢書集成初編

神 異 經（及其他兩種）

中 華 書 局 出 版 發 行

（北京王府井大街三十六號）

秦 皇 島 市 資 料 印 刷 廠 印 刷

一 九 九 一 年 北 京 第 一 版

一 開 本：七 八 七 乘 一 〇 九 二 毫 米 三 十 二 分 之 一

一 統 一 書 號：ISBN7-101-00894-1/K·367

叢書集成初編所選歷代小史
古今逸史漢魏叢書稗海及祕
書二十一種皆收有此書歷代
漢魏稗海題作王子年拾遺記
逸史祕書無王子年三字歷代
雖在先然僅一卷足本中逸史
在前故據以影印書名亦從之

拾遺記序

蕭綺

拾遺記者晉隴西安陽人王嘉字千年所撰凡十九卷二百二十篇皆爲殘缺當僞秦之季主網遷號五都淪覆河洛之地沒爲戎墟宮室榛蕪書藏埋毀荆棘霜露豈獨悲於前王鞠爲禾黍彌深嗟於茲代故使典章散滅蠻館焚埃皇圖帝冊殆無一存故此書多有亾敗文起義炎已來事訖西晉之末五運因循十有四代壬子年乃撰撰異同而殊怪必舉紀事存朴愛廣向奇憲章稽古之文綺綜編雜之部山海經

所不載夏鼎未之或存乃集而記矣辭趣過誕音旨
迂闊推理陳迹恨爲繁冗多涉禎祥之書博采神仙
之事妙萬物而爲言蓋絕世而弘博矣世德陵夷文
頗缺略綺更刪其繁紊紀其實美搜刊幽秘摭采殘
落言匪浮詭事弗空誣推詳往迹則影徹經史考驗
真怪則叶附圖籍若其道業遠者則辭省朴素世德
近者則文存靡麗編言貫物使死然成章數運則與
世推移風政則因時廻改至如金繩鳥篆之文玉牒
蟲章之字末代流傳多乖曩跡雖探研鐫寫抑多疑
悞及言乎政化訛乎禎祥隨代而次之土地山川之

域或以名例相疑草木鳥獸之類亦以聲狀相惑隨
所在而區別或因方而釋之或變通而會其道寧可
采於一說今搜檢殘遺合爲一部凡一十卷序而錄
焉

王子年拾遺記目錄

第一卷

庖犧

神農

黃帝

少昊

高陽

高辛

唐堯

虞舜

第二卷

夏

殷

周

第三卷

周穆王

魯僖公

周靈王

第四卷

燕昭王

秦始皇

第五卷

前漢上

第六卷

前漢下

後漢

第七卷

魏

第八卷

吳

蜀

第九卷

晉時事

第十卷

諸名山

崑崙山

蓬萊山

方丈山

瀛洲山

員嶠山

岱輿山

昆吾山

洞庭山

拾遺記 目錄

拾遺記卷第一

晉王嘉撰 梁蕭綺錄

明 吳 琯校

春皇庖犧

春皇者庖犧之別號所都之國有華胥之洲神母遊
其上有青虹繞神母久而方滅即覺有娠歷十二年
而生庖犧長頭脩目龜齒龍唇眉有白毫鬚垂委地
或人曰歲星十二年一周天今叶以天時且聞聖人
生皆有祥瑞昔者人皇虵身九首肇自開闢于時日
月重輪山明海靜自爾以來爲陵成谷世歷推移難

可紀筭比于聖德有踰前皇禮義文物於茲始作去
巢穴之居變茹腥之食立禮教以導文造于戈以飾
武絲桑爲瑟均土爲墳禮樂於是興矣調和八風以
畫八卦分六位以正六宗于時未有書契規天爲圖
矩地取法視五星之文分晷景之度使鬼神以致羣
祠審地勢以定川岳始嫁娶以修人道庖者包也言
包含萬象以犧牲登薦于百神民服其聖故曰庖犧
亦謂伏羲變混沌之質文宓其教故曰宓犧布至德
於天下元元之類莫不尊焉以木德稱王故曰春皇
其明燾照於八區是謂太昊者明也位居東方以

合養蠶化叶于木德其音附角號曰木皇

神農

炎帝始教民耒耜躬勤畝畝之事百穀滋阜聖德所
感無不著焉神芝發其異色靈苗擢其嘉穎陸池丹
菓駢生如蓋香露滴瀝下流成池因爲豢龍之圃朱
草蔓衍於街衢御雲蔚藹於叢薄築圓丘以祀朝日
飾瑤階以揖夜光奏九天之和樂百獸率舞八音克
諧諸木石潤澤時有流雲洒液是謂霞漿服之得道後
天而老有石璘之玉號曰夜明以闡投水浮而不滅
當斯之時斬革庖犧之朴辨文物之用時有丹雀銜

九穗禾其墜地者帝乃拾之以植於田食者老而不
死采峻鍤之銅以爲器峻鍤山名也下有金井白氣
冠其上人升於其間雷霆之聲在於地下井中之金
柔弱可以緘滕也

錄曰謹按周易云伏羲爲上古觀文於天察理於
地俯仰二儀經綸萬象至德備於冥昧神化通於
精粹是以圖書著其迹河洛表其文變太素之質
改純遠之化三才之位既立四維之義乃張禮樂
文物自茲而始降于下代漸相移襲八索載其遐
軌九丘紀其淳化備昭籍錄編列柱史考驗先經

刊詳往誥事列方典取徵羣籍博采百家求詳可
證按山海經云棠帝之山出浮水玉巫閭之地其
木多文自非道真俗朴理會冥旨與四時齊其契
精靈協其德禎祥之異胡可致哉故使迹感誠著
幽祇不藏其寶祇心剪害殊性之類必馴也以降
露成池蓄龍爲圃及乎夏代世載縣絕時有豢龍
之官考諸遐籍由斯立矣

軒轅皇帝

軒轅出自有熊之國母曰昊樞以戊巳之日生故以
土德稱王也時有黃星之祥考定曆紀始造書契服